

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 4

**Maggawi sa Ginawian nga Angay sa Dios ug sa Pagtawag sa Dios
alang sa Realidad sa Lawas ni Cristo**

Basahong Kasulatan: 1 Tes. 2:12; Fil. 3:13-14; Rom. 8:4; Efe. 4:1-4, 15-16, 20-24; 5:2, 8, 18

I. Isip mga magtutuo ni Cristo ug mga anak sa Dios, maggawi gyod ta sa ginawian nga angay sa Dios—1 Tes. 2:12:

- A. Pagpatin-aw sa 1:1 ang 1 Tesalonica 2:12; aron praktikal nga maanaa sa Dios Amahan ug ni Ginoong Jesucristo ang iglesia, maggawi gyod ang mga magtutuo sa ginawian nga angay sa Dios; sa pagkatinuod ang maggawi sa ginawian nga angay sa Dios nagpasabot nga ikinabuhi nato ang Dios—Efe. 4:1, 17; 5:1-2, 8; 2 Cor. 5:7; 1 Juan 1:7; 2:6; Fil. 1:20-21a:
1. Ang Dios mismo gyod unta ang adlaw-adlaw natong kinabuhi; kay ang Dios ra man ang angayan sa Iyang Kaugalingon, ang paggawi sa ginawian nga angay sa Dios pagkinabuhi man nato sa Dios, sa ato pa, ipadayag ang Dios sa adlaw-adlaw natong pagkinabuhi—1 Cor. 10:31.
 2. May kalabotan ang pamatigayon sa Dios sa pagkabaton nato sa Dios nga kinabuhi ug ikinabuhi Siya; ang tuyo sa Dios sa Iyang pamatigayon mao nga ipaambit ang Iyang elemento, pagkamao, ug ang mga sagol sa Iyang kinaiya nganhi sa atong pagkatawo aron ikinabuhi nato Siya—1 Tim. 1:4; Efe. 3:16-19; Fil. 1:20-21a.
 3. Ang tumong sa Dios sa Iyang pamatigayon kana mang maanaay kinabuhi ug kinaiya Niya sa sulod ug dagway ug pagkasama Niya sa gawas kitang pinili ug tinubos Niyang katawhan—Gen. 1:26; 2:9.
 4. Diha sa diosnong kinabuhi ug pinaagi sa balaod sa diosnong kinabuhi, maumol ang Dios kanato, ug ikinabuhi nato Siya ug maumolan ta Niya sa Iyang kinabuhi ug kinaiya apan dili sa ranggo sa Iyang pagka-Dios; sa kapulihay, mahimo tang hiniusang persona—ang Lawas ni Cristo—nga mausa Niya ug magkinabuhi Niya aron hiniusa Siyang mapadayag—Rom. 8:2, 6, 10-11, 29; Efe. 4:4-6.
 5. Ang paggawi sa ginawian nga angay sa Dios pinaagi sa pagkinabuhi nato sa Dios pagkinabuhi man sa kinabuhi sa Dios-tawo; diosnon ug misticong mga tawo ang mga Dios-tawo, nga nagbuhat sa tanan uban sa Dios, diha sa Dios, pinaagi sa Dios, ug agi sa Dios—1 Cor. 10:31; Col. 3:17.
- B. Ang paggawi sa ginawian nga angay sa Dios paggawi man uyon sa nasagol nga espiritu; pagkinabuhi, paglihok, pagpaanaa sa atong pagkatawo, ug pagbuhat kini sa tanan uyon sa Espiritu diha sa atong espiritu—Rom. 8:4; Gal. 5:16, 25:
1. Ang pagsugot sa pagbati sa kinabuhi, pagsugot sa gitudlo sa pagdihog, ug paggawi uyon sa espiritu tulo ka aspeto sa usa ka butang—Rom. 8:4, 6; 1 Juan 2:27.
 2. Ang paggawi uyon sa nasagol nga espiritu makapawala sa posisyon ug kagamitan sa atong unod, kaugalingon, ug natural nga kinabuhi —Gal. 5:16; Mat. 16:24; 1 Cor. 2:11-15.
 3. Ang paggawi uyon sa nasagol nga espiritu makapabaton sa nahikay ug nahingpit nga Tulo-usang Dios—ang Espiritu—sa tibuok luna sa sulod nato aron mausa ta Niya ug hiniusa Siyang mapadayag—Efe. 3:16-21.

4. Sa paggawi nato uyon sa nasagol nga espiritu, nagpabilin ta nga “nagpaulan” sa diosnong pagpaambit sa Diosnong Trinidad; sa kataposan, usa ra ang gipangayo sa Biblia kanato—nga maggawi ta uyon sa nasagol nga espiritu—Ezeq. 34:26; Rom. 8:4, 11.
5. Ang paggawi uyon sa nasagol nga espiritu pagpapuno ug pagpasurop man sa nahikay nga Tulo-usang Dios hangtod matuhopan Niya ang tibuok natong pagkatawo aron hiniusa Siyang mapadayag pinaagi nato ingon nga Lawas ni Cristo, nga mahingpit sa Bag-ong Jerusalem—Efe. 3:16-21; 4:4-6, 16; Col. 1:27; 2:19; 3:4, 10-11; Bug. 21:2, 10-11.

II. Ang tinguha sa Dios sa takdo-sa-pahanon nga pahiuili Niya kana mang maggawi ta nga angay gyod sa pagtawag Niya alang sa realidad sa Lawas ni Cristo—Efe. 4:1-4:

- A. Ang unang butang sa paggawi nga angay gyod sa pagtawag sa Dios mao nga magmasingkamoton ta sa pag-amping sa pagkausa sa Espiritu nga realidad sa Lawas ni Cristo, ug gilig-on pinaagi sa ug uban sa diosnong mga kaayo ang natranspormang maayong kagawian sa tawo—vv. 2-4:
 1. Ang paggawi nga angay gyod sa pagtawag sa Dios kana mang dunay hiniusang pagkinabuhi nga nagpursigir ug nakabaton ni Cristo sa kinahingpitan gyod aron mapahiuyon ta sa Iyang kamatayon pinaagi sa gahom sa Iyang pagkabanhaw; kining hiniusa, nagpadako-ni-Cristo, nga Dios-tawong pagkinabuhi, nga mao ang realidad sa Lawas ni Cristo, maoy motapos ning panahona, sa panahon sa iglesia, ug magpabalik ni Cristo aron moangkon, manag-iyu, ug magbuot ning yutaa sa panahon sa gingharian—Fil. 1:19-21a; 3:10-14; Gal. 2:20; Bug. 19:7-9; 20:6.
 2. Sa paghangyo niya sa mga balaan nga maggawi nga angay gyod sa pagtawag sa Dios, namulong si Pablo sumala sa iyang pagkabutang isip binilanggo ni Cristo Jesus ug binilanggo diha sa Ginoo—Efe. 3:1; 4:1:
 - a. Sa madali o madugay, tanang piniyalan sa Dios, tanang ministro sa kadato sa Dios, tanang matinumanong maghihigugma ni Cristo, mabilanggo dili lang ni Cristo kondili diha ni Cristo; labi tang mahigugma Niya, labi sab tang maanaa Niya hangtod nga mahimo Siyang bilanggoan nato aron makapahimulos ta Niya sa kinahingpitan gyod aron maggawi ta nga angay gyod sa pagtawag sa Dios.
 - b. Labi ta nga dunay kagawasan, labi sab tang mabuta, apan kon bilanggoan nato si Cristo, mabuksan ang atong mga mata aron makakita sa langitnong panan-awon, ug madawat nato ang kinalabwang pinadayag sa pamatigayon sa Dios—3:9; Buh. 26:19.
 3. Diha sa Espiritu sa gihimayang Jesus, naa ang natranspormang pagka-tawo ni Jesus; ang pag-inom ug pagpaagay sa usang Espiritu alang sa usang Lawas mao ang pag-inom ug pagpaagay sa Espiritu sa tawo nga si Jesus, ang pag-inom ug pagpaagay sa pagka-tawo ni Jesus uban sa gipadato-sa-pagkadios nga tawhanong maayong kagawian Niya nga pagpaubos, kalumo, ug pagkamainantuson, magpinas-anay sa usag usa diha sa gugma—Juan 7:37-39a; 1 Cor. 12:13; Buh. 16:7; Efe. 4:2-3.
- B. Ang ikaduhang butang sa paggawi nga angay gyod sa pagtawag sa Dios mao nga motubo ta diha sa tanang butang ngadto ni Cristo nga Ulo—vv. 15-16:
 1. Aron motubo ta diha sa tanang butang ngadto ni Cristo aron matukod ang Iyang Lawas, pahimuslan gyod nato si Cristo nga atong malangkobon-sa-tanan, unibersohanong puli aron mapalugwa ang usang bag-ong tawo, busa “pamatia Siya” ug “si Jesus ray” makita—vv. 15-16; Mar. 9:7-8:
 - a. Gipalagpot sa Dios si Shebna, nga piniyalan sa balay sa hari (Isa. 22:15-19), ug gipulihan siya ni Eliakim, nga hulagway ni Cristo (vv. 20-24; Bug. 3:7); gipalagpot sab sa Dios ang tanang sudlanan sulod sa Iyang balay aron pulihan sila ni Cristo (Isa. 22:25).
 - b. “Palagpoton” sa Dios ang bisan unsa o bisan kinsang dili Cristo; gipulihan na sa Dios ni Cristo ang tanang butang sa Iyang pamatigayon sa Daang Tugon—Mar. 1:1-8; Mat. 17:3-5; Col. 2:16-17; Heb. 10:5-10; 11:5-6; itandi sa Isa. 22:20-25.
 - c. Sa dihang gilalang ta sa Dios, “gisuholan” ta Niya; sa dihang gibutang ta Niya sa krus, gilansang ta sa krus uban ni Cristo, “gipalagpot” ta Niya; sa dihang gibanhaw ta uban Niya,

- Iya tang “gisuholan pag-usab” sa paghimo kanatong bag-ong kaliwat sa mga Dios-tawo, bag-ong imbento sa Dios nga hiniusang obra maestra Niya, nga gidalag balik sa tuyo Niya sa sinugdan sa paglalang kanato alang sa Iyang himaya, Iyang hiniusang pagpadayag—Gen. 1:26; 1 Cor. 11:7a; Gal. 2:20; Efe. 2:6, 10, 15; Isa. 43:7.
- d. Ang tinuod nga iglesiahang kinabuhi, kinabuhi nga gipalagpot ang tanang balaan ug gipulihan ni Cristo, gihimo si Cristo nga tanan diha sa iglesia nga realidad sa usang bag-ong tawo aron mahimaya ang Tulo-usang Dios—Col. 3:10-11; 1 Cor. 10:31.
2. Sa Bag-ong Tugon, ang pagpuli ni Cristo kanato hingpit gyong may kalabotan sa sinumpay nga kinabuhi; nausa ta ni Cristo, ug ning pagkausaha gipulihan ta ni Cristo; nagkinahanglag pagkausa ang pagpuli, samtang magwala sa pagkausa nato ni Cristo ang pagbaylo (Juan 15:4-5); kay gidugtong man ni Cristo ang Iyang Kaugalingon kanato, giusa ang Iyang Kaugalingon kanato, sa pagkamatay Niya sa krus, namatay ta uban Niya ug natapos (Rom. 11:17, 24; 6:6).
 3. Sa organicong pagkausa nato ni Cristo karon tungod sa pagtuo nato Kaniya, gipulihan ta Niya sa pagpuyo Niya sa sulod nato, uban nato, pinaagi nato, ug agi nato; nabuhi ta, apan dili kita, kondili si Cristo ang nabuhi sa sulod nato, ug nabuhi ta tungod sa pagtuo sa Anak sa Dios; nagpakita kinig organicong pagkausa nato ni Cristo—Gal. 2:20; Fil. 1:19-21a.
- C. Ang ikatulong butang sa paggawi nga angay gyod sa pagtawag sa Dios mao nga makat-on ta ni Cristo maingon nga naa ni Jesus ang realidad, nga mao ang aktwal nga kahimtang sa kinabuhi ni Jesus ingon sa nasulat sa upat ka Ebanghelyo—Efe. 4:20-24:
1. Gipadayag sa Juan 6:57 unsaon nga ang realidad nga naa ni Jesus, ang Dios-tawong pagkinabuhi ni Jesus, mahimong realidad sa Lawas ni Cristo, ang hiniusang Dios-tawong pagkinabuhi sa bag-ong tawo nga hulad sa Dios-tawong pagkinabuhi ni Jesus; ang tuyo sa Dios sa pagpadala Niya ni Ginoong Jesus aron mahimong tawo aron man magkinabuhi Siya sa Dios-tawong kinabuhi pinaagi sa diosnong kinabuhi; moresulta kining pagkinabuhia sa unibersoanong dakong tawo nga sama gyod Niya—tawo nga nagkinabuhi sa Dios-tawong kinabuhi pinaagi sa diosnong kinabuhi.
 2. Niingon ang Juan 6:57 nga, “Maingon nga gipadala Ko sa buhing Amahan ug nabuhi Ko tungod sa Amahan, ingon man sab ang mokaon Nako, mabuhi sab tungod Nako”—kini ang realidad sa Lawas ni Cristo, ang hiniusang Dios-tawong pagkinabuhi sa daghang bahin sa Lawas ni Cristo, nga nagkat-on ni Cristo maingon nga naa ni Jesus ang realidad.
 3. Wala ta mabuhi *pinaagi* ni Cristo, nga naghimo ni Cristo nga instrumento nato; nabuhi ta *tungod* ni Cristo, naghimo ni Cristo nga elementong nagsangkap sa atong pagkinabuhi; aron mabuhi tungod ni Cristo nga atong kalan-on, kan-on gyod nato Siya aron mahimo Siyang elementong nagsangkap ug nagpalagsik nga magkinabuhi sa sulod nato ug pinaagi nato aron matukod ang Iyang Lawas isip hingpit nga kabubut-on sa Dios—v. 63; Jer. 15:16; Rom. 8:2; 12:1-2.
- D. Ang ikaupat nga butang sa paggawi nga angay gyod sa pagtawag sa Dios mao nga magkinabuhi ta diha sa gugma ug kahayag—Efe. 5:2, 8:
1. Mahimo gyod unta tang mga umalambit, mga tigpahimulos, sa diosnong kinaiya (2 Ped. 1:4); ang diosnong kinaiya mao ang pagkamao sa Dios—ang Dios Espiritu (Juan 4:24), ang Dios gugma (1 Juan 4:8, 16), ug ang Dios kahayag (1:5); ang Espiritu maoy kinaiya sa persona sa Dios, ang gugma maoy kinaiya sa pagkamao sa Dios, ug ang kahayag maoy kinaiya sa pagpadayag sa Dios.
 2. Mogugol gyod tang tanan og igong personal nga panahon uban sa Ginoong aron makig-ambitay Niya sa tago diha sa atong espiritu aron mapuno ta sa Iyang mahigugmaong pagkamao aron makapangatiman Siya sa uban pinaagi nato ug mapuno ta sa Iyang nagsidlak nga elemento aron makita Siya sa uban dinhi nato—Juan 4:24; Luc. 15:20; Mat. 5:15-16.

- E. Ang ikalimang butang sa paggawi nga angay gyod sa pagtawag sa Dios mao nga magkinabuhi ta pinaagi sa pagpapuno sa espiritu aron mag-awas ni Cristo—Efe. 5:18:
1. Ang pagsultianay, pag-awit, pagsalmo, pagpasalamat sa Dios, ug pagpasakopay sa usag usa diha sa kahadlok ni Cristo dili lang inawas sa pagkapuno diha sa espiritu kondili ang paagi sab nga mapuno ta diha sa espiritu—vv. 19-21.
 2. Ang mapuno diha sa espiritu kana mang mapuno sa kadato ni Cristo aron mahimong kahupnganan ni Cristo, ang pag-awas ni Cristo; sa pagtawag nato sa Ginoo ug pag-ampo-basa sa Iyang Pulong, mapadayonon tang makadawat Niya isip nagsapawsapaw nga grasya aron mahimong Iyang kahupnganan, Iyang pag-awas—3:8; 1:23; 3:19b; Rom. 10:12-13; Efe. 6:17-18; Juan 1:16.
 3. Makakinabuhi ta sa kinabuhing napuno diha sa espiritu sa pag-ampo nato sa tanang panahon diha sa espiritu aron mahimo tang pangasaw-onon ni Cristo nga magtagbaw Niya ug mahimong mag-aaway Niya nga mopildi sa Iyang kaaway—Efe. 5:18, 25-27; 6:10, 17-18.